

Broj: 03-02-1203/2021
Sarajevo, 18.11.2021. godine



PARLAMENT FEDERACIJE
BOSNE I HERCEGOVINE

- Predstavnički dom
gosp. Mirsad Zaimović, predsjedavajući
- Dom naroda
gosp. Tomislav Martinović, predsjedavajući

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu zakona o izmjenama i dopunama Zakona o porezu na dohodak u Federaciji Bosne i Hercegovine - skraćeni postupak, kojeg su predložili Damir Mašić, predsjednik Kluba SDP BiH u Predstavničkom domu i Aner Žuljević, delegat SDP BiH u Domu naroda Parlamenta Federacije Bosne i Hercegovine**, a koje je Vlada Federacije Bosne i Hercegovine utvrdila na 291. sjednici, održanoj 18.11.2021. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Cc: Federalno ministarstvo finansija-
Federalno ministarstvo financija
gđa Jelka Miličević, ministar**

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o izmjenama i dopunama Zakona o porezu na dohodak u Federaciji Bosne i Hercegovine - skraćeni postupak, kojeg su predložili Damir Mašić, predsjednik Kluba SDP BiH u Predstavničkom domu i Aner Žuljević, delegat SDP BiH u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 291. sjednici održanoj 18.11.2021. godine, utvrdila sljedeće

MIŠLJENJE

Dostavljenim Prijedlogom Zakona o izmjenama i dopunama Zakona o porezu na dohodak briše se odredba člana 5. tačka 1. Zakona o porezu na dohodak kojom je propisano da se prihodi na osnovu učešća u raspodjeli dobiti privrednih društava (dividende ili udjeli) u smislu ovog Zakona ne smatraju dohotkom i ne podliježu oporezivanju porezom na dohodak. Brisanje navedene odredbe Zakona, kojim bi predmetni prihodi postali oporezivi prihodi fizičkih lica, predlagači smatraju mjerom od društvenog značaja koji se ogleda u smanjenju nejednakosti u vrijeme krize, harmonizaciji oporezivanja dividendi u okviru Bosne i Hercegovine, usklađivanja sa pozitivnom evropskom praksom i praksom zemalja u svijetu, te u osiguranju dodatnih izvora javnih prihoda.

Kao argument, predlagači navode da se dividenda oporezuje u Republici Srpskoj, te da je potrebno harmonizirati propise na teritoriji Bosne i Hercegovine. Međutim, prema važećim poreznim propisima entiteta Republika Srpska i Distrikta Brčko predmetni prihodi fizičkih lica po osnovu dividendi i udjela u dobiti su neoporezivi.

U okviru reforme sistema oporezivanja dohotka fizičkih lica Vlada Federacije Bosne i Hercegovine je, polazeći od principa pravednosti raspodjele poreznog tereta i oporezivanja sveobuhvatnog dohotka fizičkih lica iz svih izvora, pa tako i prihoda po osnovu dividendi i udjela u dobiti kao značajnog izvora dohotka fizičkih lica, prepoznala značaj i opravdanost oporezivanja istih i to u Prijedlogu Zakona o porezu na dohodak koji je u parlamentarnoj proceduri.

Uzimajući u obzir da je u parlamentarnoj proceduri Prijedlog Zakona o porezu na dohodak koji ovdje spomenute prihode po osnovu dividendi i udjela u dobiti svrstava u oporezive prihode od ulaganja kapitala na koje se porez na dohodak od ulaganja kapitala plaća po stopi od 10%, mišljenja smo da se dostavljeni Prijedlog zakona o izmjenama i dopunama Zakona o porezu na dohodak ne prihvata.

V. broj: 1715/2021
18.11.2021. godine
Sarajevo

 **PREMIJER**
Fadić
Fadić Novalić